

惜分陰軒齋自案

中華民國七年冬月鐫版定價每冊

惜分陰軒醫案卷二

杭州三醫社發行

三版
醫藏
社三

醫學叢書第二集敘

嘗謂一國之文明恃乎一國人維持之力而定其發達之程度伏羲之書卦倉頡之造字神農之膏藥使非後人起而維持光大之亦烏能傳於今日耶故大易以作者之謂舉述者之謂賢韓昌黎曰莫爲之先雖美弗彰莫爲之後雖盛弗傳然則學術之興衰文化之優劣其繫於人何如也中醫自歐化輸入以來淺識之士往往厭故喜新是丹非素豈知中醫學術有超乎西醫之上者全國藥材有補歐美之缺者此其故蓋有數因焉一則中國文化發明在先其精神所到之處已非歐人所能及故中醫古書所言之理多有爲西醫所不能道者一則中國地大物博金石草木之中多有奇效藥品爲歐美所無者一則數千年來名醫輩出一家有一家之長一書有一書之用融會貫通已覺應用無窮以視彼醫校之數卷講義其精粗得失爲何如耶有此三因故中醫學術微獨相傳至今不墜且將永傳於無窮也願自洪楊亂後名家著作湮沒失傳者不

近歲兵革疊興。烽煙所至。城邑爲墟。生命財產。舉莫能保。而書籍之損失。殆不知有幾千萬卷也。豈非至可惜之事哉。紹興裘吉生先生。湛深醫術。年來與其鄉邦名宿。設會刊報。提倡醫學。洵今日之有心人也。近復鑒於古書零落。先賢遺籍。湮沒不彰者甚多。因慨發巨資。選刻叢書。其第一集已刻成者。爲莫枚士研經言。周氏易簡方。集驗方。羅謙甫醫案。吳鞠通醫案。惜分陰軒醫案。人葆考。今第二集刻工又竣。於研經言數種外。復搜入市隱廬醫學雜著。李冠仙知醫必辨。其中或爲先賢遺籍。或爲時賢名作。皆極關重要之書也。學者誠得此書而研究之。已如入寶山而握驪珠。其必能深造無疑也。或者謂中國醫學。今日已窳敗極矣。而子獨津津贊美之何也。余應之曰。中醫之窳。非窳於學術之不良。實窳於人之不學。亦猶今之國事敗壞。生民塗炭也。豈真中國之不可治哉。執政者之不得其人也。不但掌兵符之將帥。不能如郭汾陽之赤心爲國。而懷經濟之儒臣。亦多心存利祿。則國事安得而不敗哉。惟醫亦然。故欲求醫學

之昌明。必先提倡學風。苟人人皆以學術爲本。精益求精。則良醫必遍天下。若不此之務。而惟門戶之爭。吾恐中醫固不良者多。而西醫之不良者。將接踵而起也。豈不令人浩歎哉。然則裘君此書。當爲提倡醫學之嚆矢。而於醫學前途。有絕大關係者也。爰樂爲敘而歸之。

中華民國七年戊午九月江都袁焯桂生甫拜敘



醫藥叢書第二集凡例

一是書專刻先輩遺稿近賢新著並已行亡版之孤本期於流通不致湮沒而方同志有以藏書見惠酬答從豐

一近時書籍多用石印鉛印及洋紙形式既不樸質藏晒尤難經久故本書不惜工本純用木刻中紙古式精裝爲完全藏書格式且爲完全國貨

一是集所採各書共計六種皆爲極有價值之書閱者自能賞鑑

一叢書體例常見數種小冊合訂一本是書概以按種分訂俾無力全購者得以指購單種

一本集有未及刊完之書必於下集續刊決不間斷致使閱者盼望

一是書無論統購全集或指購單種除附印另議外照定價均無折扣但書業報社代售者不在此例

一凡各處圖書館閱報社報館學校本會會員本社社友如同時并購全集二

部者當加贈一部

一凡同時并購上百部者不拘全集單種准可附印只收工料但不得另行翻列

一購書者將書價及郵費一併用郵匯最爲妥便不通郵匯之處以郵票代銀亦可但須固封函內掛號直寄紹興城中醫藥學報社收當班奉書不悞

一下集所採書書目研經言吳氏醫案惜分陰軒醫案續刻外餘爲葉氏晚年醫案周氏集驗方續編張氏白喉證治通攷其亦六種幅頁較前加增定價仍每部二元六角外埠加郵力一角六分惟因紙價昂貴不售預約

醫西藥叢書第二集總目

- 第一種 李冠仙知醫必辨全
第二種 市隱廬醫學雜著全
第三種 莫枚士研經言卷二
第四種 羅謙甫治驗案卷下
第五種 吳氏醫案卷二
第六種 惜分陰軒醫案卷二

惜分陰軒醫案卷二

無錫 伯華氏周小農述

紹興 裘慶元吉生校刊

謝蕙廷滬南元豐恒羊毛業酷嗜酒且喜海味歷年膏滋以別直參鹿茸爲主
又好人參再造丸以爲珍貴者必非常物購而服之冀筋強骨健因屢喪子悒
鬱不舒氣機窒塞癸丑春初寒熱自汗多醫調治濕熱未清浙慈張狙於病後
予溫補方自暮春至夏末服參百餘金芪棗湯數旬卒之良藥未能康強反見
氣窒神呆面油懶言胸膈燥熱如積火益以致咽喉灼痛鼻中火出噯噫日百
餘聲不知饑飽矣夏季以避戰事回錫蕉萃其容與之寒暄不答絕似虛弱已
臻極峰之狀初延圖董溫明遠先生診脈剛勁舌紅苔黃案爲肝腎虧損氣火
蒸灼以介屬濟陽佐以運化中樞如白芍生地龜甲杜仲石斛玉竹鼈甲白朮
茯苓半夏滑石荷莖等拾餘劑未見甚效後招予診予思此症誤藥半年積熱

充斥決裂有喉痺之險且病者之信仰真誠未可知少投未必卽操勝著因婉辭之見者亦謂病已成瘵尼予不必獨關機械以順眾爲是逆眾爲非也翌日病者敦促診視脈象弦大而數苔厚質紅各恙彌覺其減審知隱有悲懷木火灼於內濕滯阻於中因大反前案宗王孟英法清化肝火疏解氣鬱及蘊濕積痰如元參丹皮茯苓藜川貝鱉膈子鬱金旋覆光杏薏仁枇杷葉木蝴蝶以鮮藕萱花蘆根大劑煎湯代水服後自覺適宜連進三劑濕火下行便溏肛灼所下漆靱氣穢極重脈弦陡柔舌紅大淡是以前溫補濕熱有下洩之勢向本無痰湧痰灰色外覺轟熱目上火出咽灼漸減愛氣亦鬆惟胃氣未復神情仍疲嗣去元參丹皮鱉膈茯苓木蝴蝶杏仁旋覆加入建曲車前通草蘇梗香附萊菔子之類正在病勢轉機而其親友以病久泄瀉迫令停藥一時疑陣頓起余令其日尋喜笑搃述皖中板痛欲笑不能俯仰不能自如續以開鬱降濁洩熱通絡至桂初餘火從醫上起一外瘍咽中燥癢再解肝胃之熱而祛絡蘊之邪如

川貝竹茹金鈴旋覆黑梔絲瓜絡橘葉絡忍冬藤黛蛤花粉草薜桑枝濕火盡
下瘍潰時外科欲以參芪溫託予曉之曰瘍爲蘊熱外洩之生路補則呆滯其
上咽灼喉症宜防也但以呼膿敗毒膿出數椀纏綿匝月方歛停藥已久因謝
之親友或勸其別診或令服籤方也據後得仙方係西河柳疑之方止餘火復
炎目赤牙腫咽辣而槎胸背灼熱沃痰韌厚詢悉曩服再造丸以附桂辛熱蛇
虫攻竄積熱深沈毫無疑義卽疏清咽太平丸加減如川貝犀角柿霜薄荷月
石雄精化州橘紅桔梗元參生研爲末竹瀝和蜜丸使其臥前服晨起痰吐黃
韌而厚是溫補留戀於膈者有鬆動之機另服煎劑如瓜萸牛蒡浙貝杏仁竹
茹射干蟬衣鬱金苦丁茶冬瓜仁瓦楞子等膠痰大吐苔反轉厚竟加白金丸
數分湧吐稠痰兩盞灼熱咽痛循止噁氣太減矣終因絡隧被攻竄留邪肩時
痠痛肝火易旺嗔怒易起時已季冬向之病者之或親或友掣肘隱諉者至此
雖已引退然謝固掌數萬之巨富委心相從至此又以補之一字相聒圖董溫

先生曰謝係色慾過度肝腎大傷溫潤以鹿茸爲主補其督脈云余宗葉氏法清肝胃養絡隧與達氣鬱滯痰濁仿墮藥法以羚羊生地霍斛玉竹天麻滁菊丹皮寄生牛膝首烏麥冬阿膠爲末以絲瓜絡忍冬藤煎汁泛如痧藥大再以元參川貝鬱金礞嚙子橘皮絡叭杏苡仁半夏糲末竹瀝層層拌泛墮補品於內令其服之各症漸退明年夏餘氣尙從頸項諸處發出熱癢甚多而飲食起居旋已復原此症盤根錯節極不易治矧謝深刻少信去年尙引過相讓謂現雖已有一子尙蘄多毓或謂我服清藥過多恐後不能生育今丙辰聞其令闔又懷娠迨夏生子矣

張濟眾作霖無錫小渲白水蕩前清秀才癸丑在上海電局爲書記職夏間患足腫不忌飲食繼於桂秋復發寒熱腫勢大盛氣逆腹滿囊大洩少向有痰咳更覺氣逆在滬就同鄉陳治謂爲脾虛氣弱連進參鬚白朮溫補十餘劑反增肢寒鼻冷回錫後南門華擬五皮飲甜葶藶蟋蟀乾等西鄉張用麻桂乾薑等

增喘逆不止北郭鄧斷以水已入射肺經五日內見汗卽脫榮業成教令就診于余已不能行走其脈雖細然帶數象苔稍微黃詢知洩赤且赭濕熱充斥鼻冷肢寒非屬陽虛乃肺氣窒痺溫補不宜疏方知母黑梔黛蛤川棟葶藶乾蟾萊菔子車前子旋覆蘇梗紫苑防已路路通而以欖榔黑丑沈香雞內金研末另服得瀉水下氣稍平咳加痰多是溫補留邪痰濕壅遏覆以半夏陳皮前胡芥子黛蛤知母桑皮防已乾蟾浮萍通草紫苑三白草而令用生苡仁車前烏柏根柳葉慈鬚麥楷等大劑煎湯代水其末藥中去檳榔加萊菔子胆星鬱金等服後腫勢已減足指覺癢復令以鳳尾草鮮車前雄黃田螺葱打爛敷臍其同族張云水腫宜溫下不宜清水教用安桂胡椒官桂各五分研敷臍內頓時火熱不可耐小洩忽少肛有熱瘡再到城求治審知洩仍赤混臥則齁喘痰聲漉漉鼻柱忽暈忽厥非寒水也方仍旋覆紫苑半夏赤猪苓澤瀉腹皮川棟防已知母桑皮黛蛤葶藶楓果仍用沈香黑丑菖蒲檳榔研末冲服兩服鼻竅已

暖大腹之脹收小足之漫腫已有皺紋余思脩園有云水腫宜隨下隨補病去而脾無恙爲佳令其每日服小溫中丸三錢小波漸白而長腫亦大退該丸續服有十兩之多此症自菊秋治至十月水氣由清化濕熱而退而皮膚猶覺枯燥王孟英所謂濕熱則傷陰信不誣也又按葉氏有云藏府經絡之病以宣通爲是水濕粘滯犯肺爲痰嗽水漬經脈浮腫旣盛脈必細小是以余勘定雲遮霧掩不爲溫補之說所動者亦有所自後令秋石代鹽一百念日另疏於朮枳壳雲苓半夏橘皮杏仁紫苑桑皮苡仁烏藥防已茄皮澤瀉鷄血藤絲氈絡等以竹瀝泛丸令其日服數次以清邪蔽一料後復入當歸白芍葶藶杜仲狗脊川斷桑枝等以養血脈絡陸續服至甲寅春仲鹽期已滿令其以假鹽稍少用之詢知宿咳痰味帶苦澁或濁混而消瘦力乏余更予丸方令其常服如於朮川黃柏杜蠟粉澤瀉牛膝狗脊續斷茯苓防已橘皮葶藶苡仁金沸草山梔仁枇杷葉研末以猪肚煮爛打糊入半夏糊爲丸日服一二次渠僅服一料至夏

間而止無何而濕溫而泄痢療愈後勸令常服前丸猶如保險至今三年康健
逾恒現爲富安鄉六區橋小學校教員

浙湖錢味青無錫中華輪局主癸丑四月患濕溫王徐二君迭治二旬因其苦
白燥以蔻朴開以玉樞神糊苜灰症勢日重前手卽辭局中寄函至滬乃尊命
荷青昆仲乘快車至局相訪意欲延予不悉住址回滬後問悉發快信來錫延
診余察脈糊數苜灰咳痰色黑帶血詢知素喜飲兼證便泄腹中不舒舊有喉
痺陰亦不足前手顧濕不顧熱所以有此現象今宜轉舵改向卽疏沙參竹茹
枯苓山梔瓜仁薏仁連翹滑石通草腹皮枳實杏仁竹葉而以蘿蔔蘆根湯代
水二劑後苔始化而熱漸減嗣去枯苓腹皮加花粉象貝黑痰亦稀小溲既暢
便泄亦定繼加川石斛川貝母等苔潤佈白神情大定不一旬而痊足見陰液
不足卽有濕痰溫燥亦宜慎用也錢君感激愈已逢人說項且不時走訪殊有
章名之感

白水蕩榮某種田養魚甲寅七月其妻赤白痢下肛痛痰多胃鈍不欲納有噤口之徵他手以葛根或烏梅炒入木香不應自服烟泡更不佳其族祖陰引導來城診脈數而左弦苔白指初予滑石藿香湯白頭翁湯詢知納減多日鄉醫迫令食鍋滯以致如是卽令購血精南腿煮清湯食之覆診胃稍蘇苔帶灰加石斛銀花扁豆花鮮藕鮮蓮子向之數十次之痢減至十餘次惟左腹素有瘕塊起而作痛痛則痢仍後重且脹時覺腹中熱辣肝陰不足伏熱未清也卽開石斛丹皮黑梔薤蓉金鈴元胡白頭翁黃柏兩頭尖扁豆花白芍以陳關蠶鮮藕蓮子煎湯代水另用外治蓬朮香附萊菔子單桃仁食鹽麩皮炒熨瘕上痛漸輕胃關痢止而痊

于君南蘇秦于巷向在太倉某花行其室人於乙卯春因胎前腫脹產後復劇向有宿咳胸痛氣脹少腹中結塊如盃堅而疼痛詢知產後惡露甚少積久有彤南城某君診係濕熱服多劑不退尤渡所售之產後藥已進數劑亦不甚驗

因來診脈濡左絃因宗氣滯停瘀兼挾痰飲凶䟽旋覆橘皮半夏橘核川棟玄
胡歸鬚香附乳香沒藥兩頭尖而別以葱鬚麥楷煮水煎藥服數劑面腫略減
覆詢肝火素吐氣機不暢用四七氣湯金鈴子散失笑散加丹參澤蘭防已蓬
朮鬱金等服後上身之腫大減腹中痰塊已軟向本足脛轟熱亦定再予旋覆
紫苑香附蘇梗烏藥當歸澤蘭防已蓬朮等腹痛止痰塊已化脛滿既鬆食亦
大增至清和初浣腫勢全退病者因胎前腫脹繇延產後數月多醫廣藥而不
見退故一經應效卽謹慎飲食服藥忌鹽迨乎善後毫無反復阻滯續擬丸方
當歸赤白芍川芎薑汁炒生地澤蘭丹皮丹參防已川棟黑豆芫蔚子鬱金香
附烏藥麥芽雞內金研以神糲煮糊爲丸早晚兩服連備兩料甚覺相宜而報
告全愈矣

王少卿世居布行街乃源來油行股東素體羸弱而嗜烟霞席豐履厚至足樂
也壬子十月患伏暑寒熱起伏胸悶懊懣初延北郭龔君治迄二旬未已日飲

風米湯懨懨無起色陸君廷幹舉余爲診脈象絃數苔措色白詢知熱以晡發
卽覺有氣上衝頭左痛甚呻吟不已咳嗽痰多溲赤便秘乃伏邪晚發中挾蘊
痰抑且風陽上旋體本虛弱不食非宜卽令少食米糝以振其氣疏方青蒿豆
豉桑葉丹皮薏仁杏仁瓜瓣滁菊鉤芩枳實竹茹鬱金雲苓另開牛貝丸三錢
先服以滌蘊痰二劑覆診起伏之熱已減懊懣漸舒上升之氣頓衰頭痛亦減
痰吐轉爽已能起坐惟便秘至一星期據係習慣余思烟體腸燥虛而不任推
蕩惟有清潤下濁濁不下降胃不能蘇也原方增損用一味西瓜子三兩煮湯
代水煎藥服後便解諸症如掃三診已脈靖苔薄起伏亦止嗽微痰少飲食漸
馨此虛體伏邪挾痰兼有肝熱者要之既有兼症籠統以治邪不能徹故明知
虛證而但予輕劑不去病則纏綿矣

王阿順河河口王巷業農售豆芽癸丑七月其妻某氏患伏暑寒熱起伏其感
任長根使就予診時正秋熱以肩輿來城猶携脚爐診脈濡細而數苔黃口渴

胸悶洩赤熱勢起伏而手足厥冷得暖方快察其身體頎長乃陰液虛火旺之體熱象是真寒象是假此症雲遮霧掩之時當疏豆豉山梔鬱金桔梗竹茹薏米青蒿通草滑石杏仁荷梗絲瓜葉宣泄鬱伏之邪玉樞丹開其氣機之滯一二劑勢在方張熱起模糊鄉例酷信巫卜以爲有邪氣則病不易退信某巫之言停藥一日鑊鼓梵唄手忙脚亂病者之熱渴無暇顧也無何熱熾神糊厥而不省王順大嚇詰朝唧露奔城速余往鄉診時見牀臨猪欄之前鄉間之蚊既夥而蒼蠅亦盛少坐不能耐脈之濡數者已伏目睜苔灰鼻管黑燥無涕手足厥而胸前熱子女成行各有含淚生育既多且有帶症陰液耗暑熱內竄矣余擬鮮沙參鮮竹茹鮮石菖蒲連翹心川連黑梔青蒿荷梗茅根竹葉心蘆根而以幽芳開鬱之至寶丹化服復診時口雖未言目能動轉身能稍動脈稍起苔略潤再劑加鮮石斛花粉等苔潤鼻竅之黑燥已退手指探之濕潤手足轉暖稍能言語嗣後一以通樞機清伏熱爲法熱循止肢漸暖矣錫地治伏暑泥於

濕字敢燥而不敢清余勘定瘦長液耗之體未敢燥熱熱深厥深時偏用清潤
人或以爲言將養數旬其髮猶盡脫伏熱蹂躪概可想見

謝蕙廷之室王氏素體瘦弱夙有血恙甲寅九月患伏暑寒熱起伏神情模糊
向有乳子三四日頓卽乳乾且經事忽行初延龔許二君診治未應後速予診
乳已無經已斷脈象弦數苔黃唇絳面赤口渴起伏重時人事不知是陰虛伏
熱劫津動血肝火素旺溫燥之品未可再進卽疏輕清氣營如滑石石膏鬱金
連翹丹皮銀花通草梔仁黃芩川連竹葉荷梗覆診熱較減神較清唇絳苔黃
陽明熱邪尙熾增加知母蘆根竹茹等數帖起伏之熱大減懊懣退神清清不
更衣者數日後用更衣丸少許卽便解熱從腑泄肛灼足跗轟然而面赤苔黃
頓泯轉現萎黃無華病經三候熱將清未楚病家依然風米湯者因錫俗名家
於伏暑有一米入口必致久熱之戒也念其體虛設法通融擬棗荳蔻米粥或
煮冬瓜及西瓜絲藕絲爲菜胃漸起脈靖身涼而安

都根泉小渲米販操舟滬杭乙卯四月育蚕時負重量之桑葉匪見其室人爲
非氣閃動肝腰脇大痛來診時在舟不能轉側以外傷腰痛爲劇教令轉就邵
君涵培治用手法傷膏內服之藥理氣活血爲主越日其父來城云傷痛減內
病重邀余下鄉診視脈弦數疾苔白氣喘無片刻之停仰坐不臥飲食不進詢
悉肝氣極重腰疼雖減胸脇猶痛降氣宣絡清肝行血爲治如旋覆赭石半夏
新絳蔥管橘絡生香附歸鬚丹皮金鈴元胡等另以伽楠香琥珀乳香沒藥研
末調服二劑氣喘漸定調理至秋令猶有微覺腰痛冬行氣逆不能到外作販
卽復來診其形清瘦脈虛無力審知欲事素勤腎氣內虧宜治內損而理氣鬱
以當歸赤白芍撫芎莢肉生地首烏玉竹補骨脂丹皮合歡皮杜仲牛膝狗脊
骨碎補五味子蛤蚧以鍊蜜及雞血藤膠烱化爲丸服一料短氣腰楚均告退
矣

吳保三君之外甥華姓年十五因上慧山勞動受熱遂病寒熱隱而不揚他治

匝月漸進溫補如參芪歸芍之類症則夜不得寐心悸夢多如有人以鐵索縮其項大恐醫謂正氣大虛欲進大參其母則至關廟許願人心惶惶寢饋不安吳丈促使延診脈糊數面赤唇朱苔黃舌紅寒熱未清溫補非宜卽疏黃芩山梔鬱金胡連木通枳實竹茹半夏陳皮赤苓神郁杏仁瓜蒌秦艽令以蘿蔔煮水煎藥另用硃砂安神丸叁錢燈心湯下一劑寐酣無夢恐懼心悸亦定熱從下洩洩如赭石湯覆診唇淡苔黃亦退調理數次熱退脈靖其母因云其子向有虬痛病前能食三椀不爲肌肉盜汗跣灼因懼成童勞故一病卽欲補不知脾胃有熱故善食脾熱則液耗脾陰不足則肌瘦腎陰不足陽乘於陰故寐汗宜以丸藥緩調越半月余擬方歸之脾腎分治以石斛山藥甘草川連胡連地骨使君金鈴研細猪肚一具爲丸飯後服少許以清胃火而養脾陰空心另服方六味地黃加棗仁白芍煉蜜加龜膠爲丸以養腎陰而清肝奮二料服畢甚屬相宜卽令續服作補品用之

任和生西鄉小宦向寓滬其次子某在陸稿薦生理地土潮濕甲寅冬初患啣
氣浮腫肢厥痿軟手不能端物足不能行動乙卯正月雇舟來城卽由其戚肩
負而來診脈濡數苔黃撫其足冷而不暄肌肉麻木不仁膝灣之筋脹痛足腫
未除踝骨與肉不聯搖之浮動是寒濕由肌肉而蔓延絡隧卽疏二妙丸生薏
米五茄皮漢防已獨活威靈仙猪苓澤瀉吳萸蘇梗油松節白茄根萆薢等另
外治蒼朮蠶沙艾葉杉木生姜慈鬚大劑煎水避風薰洗足脛照用數帖足之
厥者暖而有汗麻木者已知痛癢然痿仍自若腿旁之筋尙覺脹痛肌肉之邪
濕雖驅絡隧之寒濕猶留卽疏以萆薢川斷伸筋草歸鬚千年健料豆橘絡海
桐皮雞血藤絡石籐生薏米晚蚕沙服後足覺轉掉正在起色之際其祖母謂
無資贖藥余以此非不治之症棄之可惜本係送治復允給藥數劑及加虎潛
丸空心服漸能勉強起立卽停煎劑贈與丸方爲冬白朮川芎歸鬚黃柏五加
皮防已玉竹菟絲草萆薢赤白苓薏仁澤瀉骨碎補川續斷松節白茄根牛膝寄

生首烏用雞血藤煎濃湯糊丸日服三四次一料後由數步至三四閒左近其
祖母來城聞知丸藥將罄余令續服二料至冬初已能行三四里得聞之下令
其不可久行以防力乏再生反復

吳鴻昌酒業其妻某氏因繼姑苛虐肝氣撐脹飯中冲鹹湯少許則脹不可支
易於嗔怒寒熱屢發已經三年服藥不效名醫回絕迨甲寅臘月厥氣更橫經
事忽停小溲不行漸成腫脹體仍灼熱目不能覩腹足不能移動氣逆痰上勢
已危殆其同族楚卿謬舉余診時已除夕脉弦數苔乾紅顛額無神音亦低細
勞熱與腫脹並患治水之藥温燥爲多與陰虛之體不宜憶王孟英有陰虛熱
脹例用極苦泄熱微辛通絡之法雖無藥品而其治康康候副轉之恙治偏陰
虛張伯龍亦有肝受濕熱腫脹之例因宗二君遺法擬金鈴山梔紫苑香附茯
苓香櫞蛤壳蘇梗旋覆川貝丹皮鬱金另車前子陳麥楷冬瓜皮煎湯代水又
外治法田螺車前慈鬚搗爛用麝少許置臍內布紫溲漸多腹漸軟轟熱略減

乙卯正月初二復診脈弦數異常肝火極盛熱濕傷陰仍照前法清肝通絡方
爲金沸草知母鬱金橘葉絡絲瓜絡金鈴丹皮川貝紫苑黑梔決明連翹乾蟾
三診脈弦數未平腹熱尙盛足腫大減藥加極苦泄熱豬胆汁拌胡黃連解鬱
疏肝則加合歡花木蝴蝶四診弦數之脈大靖轟灼之熱大退腫脹什愈其五
皖分脹滿耳鳴氣逆中有蘊痰宿滯方擬金鈴元胡山梔仁蛤粉青黛花粉木
蝴蝶橘葉絡白微鬱金鉤勾香附雞內金另蘇梗嚙嚙子化州橘紅上沈香少
許研細竹瀝調服後便解漉行如痰如積白靛爲多且肛門灼熱腹滿頓覺大
減氣逆耳鳴亦減所異者腫退八成而蛻皮膚燥左脇筋痛脈弦少柔係屬肝
燥至是轉用柔養用川石斛生蒞荳衣淮小麥櫨豆衣蒺藜木蝴蝶雲苓合歡
皮桑寄生橘絡棗仁白芍秫米胃納漸馨膚糙髮蛻脇肋尙覺塊壘不平筋痛
微咳肝陰大傷方擬石斛白芍橘絡淮麥料豆狗脊合歡皮寄生杞子川貝青
蛤散功勞子絡石籐石方補而不滯連進數劑腫脹退盡腹撐旣停能食至二

椀加鹹湯亦不飽脹微能行動多藥且厭又因進益薄弱遂停煎劑稍勞則午夜發熱盜汗如雨又來問方余曰三年勞熱木火入絡而腫脹今膚廓僅存總非松柏之堅固夏令難關宜防雖有仙方總恐不久長也因擬熟地雲苓丹皮澤瀉金鈴烏鱗菴蓉歸身白芍杞子鱉甲獺肝河車坎炁夏草冬蟲爲末阿膠雞血藤膠溶化煉蜜合丸養肝腎而潛肝奮另用石斛玉竹川貝橘絡功勞子淮麥白微合歡香附木蝴蝶雞內金研末用萱花穀芽湯泛丸疏鬱滯而化痰濁嚙配一料常服勿間僅配半料後揣其意明知必天不肯盡力也二九照服寒熱盜汗撐脹均不發飲食如常移居母家由大暑而立秋起居如常其母或來道及諄囑丸藥宜續辦一料詎意猶如故智余知不我信也果於九月有人勸伊服自來血服僅六日口糜咽痛舌紅苔黃倏而寒熱會有人強借忿氣一動撐脹復作又來相邀余以私服西藥毫不相信決絕辭之後聞另請高明延至舌糜咽腫肌如沸煎腹如抱甕飲食不進而故矣前之一番心機只多活八

月耳愚最熱心易受人愚後之決絕相辭亦自有說其藁砧等太覺冷淡情見平辭故知心理既貳萬難真誠信仰有人隱掣其肘亦天也前之死裏求生亦一時信服之效耳詳誌以前得愈之由以見孟英伯龍之法尙係實驗非偶然矣

倪阿如俞巷石作其妻弟某江北籍也甲寅六月因淋雨伏暑寒熱不止自服姜湯取汗不愈來延診脈洪數苔黃口渴胸悶懊煩洩赤而短明係暑邪外有寒濕束縛擬香薷連翹滑石山梔鬱金桔梗杜竹茹鮮荷葉白薔薇花廣藿香晚蠶沙玉樞丹一劑復診懊悶大減詳視胸前白痞遍佈邪已達矣原方去香薷晚蚕沙玉樞丹加光杏仁蘆根荷花等翌日倪如來云病者一夜煩躁讞語欲臥牀下泥地家人全夜未寢不知何藥之故迫余早往視診脈數逾昨苔仍色黃煩懊不寧審諦其胸前白痞隱矣時余智機忽悟瞥見牀之左右兩窗翼然而臨路口昨日晡有大雷雨詎受寒濕歟因詰之曰昨有雷雨牀帳曾否密

閉據云日間看其病減晝寢休息漫不爲意雷雨之時確未下帳且雨邊窗櫺未關余曰得之矣日前胸悶煩躁由於暑熱內閉胸佈白痞所以病減白痞復隱由雨濕暴寒不得不再用溫宜因用香薷蘇葉杜竹茹雞蘇散光杏仁鼠粘子荆芥鬱金菖蒲荷葉野薔薇花茅根再加玉樞丹少許一劑復診白痞復透胸前且佈於項背余意爲轉機亦速矣越日倪如來改方云前日病變之亟及昨病輕之易因內舅久離江北榴節未曾祀祖劇時卽與許願故病頓減輕余思鄉愚與辯無益曰病重由崇病好無過足矣其言甚黠至今誌之

丁某蓉湖莊前在北門蔡君處爲輿夫甲寅十月其妻產後瘀血不行而成寒熱某君以伏暑治之不減尋至腕悶嘔惡氣急腹痛有衝胃之勢前手猶投輕劑暈厥者數次其隣榮根屬延余診脈象模糊如伏顏色青白舌淡察已前之方純係氣分之藥瘀血阻滯而從上衝疏方以逐瘀理氣爲主如蒲黃靈脂鬱金丹參橘皮蘇嚙子川朴烏藥元胡蓬朮鬼箭羽乳香桃仁澤蘭另用虎珀沒

藥血竭研末先行沖服腹中攻動惡露漸下氣降神清復診脈漸明爽原方增減不數劑得慶更生或謂調營如四物加味毋庸群隊行瘀不知血瘀與血虛不同敗血成瘀由瘀成脹滿上衝實非大劑破瘀不能冀倖於萬一彼西醫解剖孽病死症悉皆五藏溷濁腫脹子宮膜炎糜爛可聞參証也前症治愈越兩旬做戚榮子瞻之室產後腹痛瘀滯不行氣升欲嘔孫君以歸芍川芎橘絡竹茹香櫞皮澤蘭丹參蘇梗青皮等又以病家信張日者卜卦有祟之言另以劈朱砂西血珀爲安神之助數劑不應邀余同診察其面色黯黑脈滯無緒設使循用丁婦效方猶屬太晚且覘主家意向偏在於孫卽未單獨擬方嗣聞後用回生丹等亦未應驗乙卯秋某皮匠之婦產後瘀血不行蔣某因有寒熱方有柴胡升提馴至氣逆嘔吐不止雖疏敗瘀方裁去最要數味逡巡不投亦卽告危縱觀後二症一識太晚一雖擬不卽服皆有命存乎其間

高寶怡強巷山戶甲寅八月下浣其子齧齡在家早餐已飽復隨其父至館食

麪某廟有戲意欲觀劇未許則縱躍大啼者多時其家以村童頑疲不之理也
下午遂病寒熱熾神糊脉伏詰朝以銀來延早診余以某墳佃之姪徇情卻
之按脉濡細如無卽路玉所謂食填中宮往往不能鼓運其脉是以脉象如伏
也舌苔薄黃色是兼蘊暑邪疏方豆豉黑山樞枳實陳皮廣鬱金藿香川朴茯
苓蘇梗香青蒿滑石連皮枳查炭另用保和丸五錢絹包入煎以蘿蔔數兩濃
煎代水且命外用按摩之法食結於胸皖者漸下神清脈起不數劑熱退身涼
按小兒之病必須探臍腹之堅軟痛否挾食之外挾痰亦多不理兼症病曷能
已

沈茂塘之子癸丑四月下浣寒熱兼旬不解脉濡數舌苔白皖悶按腹堅痛洩
赤便阻知素嗜糖果濕蘊生熱食滯不消疏方豆卷藿香鬱金薏仁杏仁滑石
通草枳實竹茹烏藥保和丸另以萊菔子桃仁皮硝糖糟乾麩等搗塗臍中服
後便卽通解寒熱不退卽增損原方投之續得便解而熱仍戀其家疑之余謂

邪因食滯氣不宣暢非一時可達數帖後裏症已鬆去枳實烏藥保和丸加連翹蘆根鮮薄荷以達氣分之邪遂得白痞滿佈而熱退身和此症濕邪挾食氣阻不暢往往邪不得澈設明知有食重劑攻下則邪內陷而痞不外布徒見煩懊愈增而變端莫測矣

許成衣西里人其女二九年事甲寅二月停經延至七月中旬其父持封來延往診余審係久病非一二劑可已卽囑來診其現恙寒熱不揚咳嗽腹痛便溏食少察其面色淡白帶青毫無紅色脉濡苔白是血虛經停伏邪身熱不節葷膩旁證悉起其父諄諄以攻積血爲屬乃曉之曰近病熱咳便溏似有損症之象實係血虧徒榨糠粃無益且不察其髮蛻乎鬢髮已禿其血已涸髮名血餘其義自見然現證如是亦非可急顧血虛而以四物膩滑等相援爰擬銀胡黑梔青蒿茯苓象川貝金沸草枇杷葉范志絀扁豆花車前子查炭烏藥銀花炭等數劑寒熱咳嗽便溏漸減伏熱既祛續予健脾醒胃並理氣滯以裕生化氣

血之源如冬白朮黃精雲苓玉竹扁豆范志糶生穀芽遠志木香白芍紅棗等
胃納漸王敷劑全馨面轉紅活又欲通經且告或傳藏紅花等法余謂血不甚
餘毋早通經仍宜治其生化之源如日食童雞亦一法也渠遂恪從食療法臍
底春初授以服方瓊玉膏益母膏溶入阿膠雞血藤膠而以當歸紅花煎湯沖
服以爲補方直至乙卯春月經事始自然通行

榮孟堅內戚之令政癸丑歲月杪寒熱咳嗽氣逆口渴某君泥其脈細舌白以
爲傷寒與麻桂之劑馴至氣逆痰多渴飲愈盛遂至城延診脈確細濡苔白而
乾然索痰罐一視則乾厚靛白倒之不出是冬溫爲溫開所助肺熱愈熾其痰
甚多然痰熱互蒸恐其昏糊因開豆豉山梔冬瓜子杏仁宋半夏瓜蒌枳實竹
茹兜鈴象貝蘆根枇杷葉另鬱金月石川貝研末竹瀝調服寒熱漸輕咳嗽漸
潤不數劑氣平熱退設泥脈細舌白之徵而續予溫散熱熾痰多神糊變本加
厲矣

王大樽願巷而王巷王子荷月下沈其妻產後寒熱胸悶不舒某君照伏暑法
以梔豉青蒿藿心滑石鬱金太乙丹之類不應來延診脈糊數苔少質紅紫如
豬牙色因思病經兼旬前手諸藥如係邪在氣分寒熱自可清解產後每有留
瘀成熟邪在血分當事別論刷西書醇熱有子宮膜炎藏體濁脹見有敗血者
予轉用豆卷六一散澤蘭川芎赤芍連翹膏汁炒生地蒲黃歸尾靈脂丹參荷
葉舌之炭紫漸淡覆診增撰前方數帖後寒熱漸清可見產後之熱有氣分之
邪固宜宣泄不應卽當獲從別途着想不可執一

馬佩宮母袁氏嫠婦也辛亥十月下旬身痛手腫灼熱某君進桂枝防風薑黃
溫通之劑屢進不效來延診脈象弦數舌紅是陰虛肝火入絡當時尙有兼證
卽嘔吐時發時平卽加二陳蘆砂亦不見效不知肝木乘胃每有嘔涎風翔上
則浪湧治亦異途疏元參丹皮桑葉菊花天麻蒺藜絲瓜絡知母山梔忍冬藤
桑枝橘絡金沸草竹茹川連出入爲方外敷黃柏青黛末菊葉汁蜜同調手腫

處氣出如蒸熱從外提腫熱漸退身痛漸輕嘔吐漸止擬清養通絡之劑多旬
方愈蓋寒濕入絡固宜溫通然木火入絡其症亦多病屬於火復助其熱浸假
手腫灼熱外象已見猶不變計此病之所以難愈也

徐巷青居某房之女嫁陳氏患肝氣撐痛飲食少進脈弦數口燥苔黃是繼姑
繁言數載氣忿所致擬丹皮蘇梗川連蘇嚕黑梔鬱金香附烏藥鷄內金橘核
橘葉菴志朮麥芽等三劑病大減轉方大意如前不十帖食馨如常後擬當
歸白芍鬱金香附綠萼梅木蝴蝶烏藥遠志香櫟皮橘核葉雞內金研末沉香
糊煮糊爲丸每服三錢越年餘不發乙卯某月央其妯娌王氏來問停服丸藥
數月肝氣劇發余謂婦女之有此證首在曠懷自可勿藥然一日夜念四點鐘
可保不動肝否此屬疑問設自尋煩惱稍有感觸卽有忿怒有前丸疏通尙可
弭平年餘不成着藥以釋紛停藥之後尙有何物可舒其氣夫惟量狹方有鬱
懣不平猶保險然每月繳資方有準效如有別證可來診也其後就診證情如

前加減前丸令其常服少許至今甚安

家君於癸丑夏仲在申浦夜臥樓上開窗取涼遂病伏暑形寒裏熱無汗巧月杪回家胸灼熱煩燥不寧脈象濡數舌白尖紅初進梔豉滑石鬱金通草香薷荆芥杏仁野薺薇花荷葉薏仁等依然無汗繼審悉在滬時閉汗之後緣煩悶更進瓜汁暑邪內閉寒濕凝結氣愈鬱結而不宣通因開玉樞丹五分研末先服外用蒼朮晚蚕沙薄荷桑葉姜葱煎沸湯手巾揩胸背四肢等處遂得暢汗外寒胸熱腕悶均退三合當伏暑未解之時屢呼心熱索飲井水尊長馮贈來西瓜一個令放竹籃掛井內意欲食者屢矣均爲余阻擋未進設再冷遏邪不外撤必釀重症然亦籌別法以解心煩如菴葶清湯加鮮薄荷數瓣進用是也

和尙微明號德清龍泉庵主持乙卯葭月中旬時外謠失竊甚異他不具論卽小沙彌爲賊以大木魚所擊腫大如斗翌日晡時其徒某來延余診則云老師

似中風也余往菴時見各物整設如恒具小沙彌雖頭有腫塊亦不甚大智珠
忽動遂詢是否被跌則不止一次日間有友人三名到庵閒逛往竈厨窺探午
餐之菜粥各僧出外做功德惟主持及小沙彌一小童晚間均食此粥倏覺頭
重神昏驀然欲跌云至禪房診微明時神事不清詔無論序脈則弦洪舌大而
胖言蹇口渴不已察其情形實中迷藥之毒尚非中風惟屢次跌仆驚魂未定
露卧地上未免受寒卽開桑葉蘇梗鬱金赤苓神竹茹黃黑豆薺苳甘草黑梔
蒺藜丹皮天麻石英另用硃砂安神丸七錢絹包入煎並以棗葶銀花重劑煎
湯代茶兼用煎藥服後舌大口渴均減神識亦清備述前日晚餐後跌多仆地
不蘇至左手亦痛令其另貼膏藥原方增損改加養胃通絡之品數劑胃旺起
牀行動如常惟言語嶙峋左手痠熱丙辰春仲子養血熄風之方如歸芍黑豆
玉竹首烏籐桑寄生蒺藜甘菊蒴菴斤麥黃獨活絲瓜絡另用回天再造丸化
服半丸爲通絡之引導因年老血衰恐後真有暗風卒中耳

任望卿小瀆其室某氏病後盜汗咳以暮劇少寐力乏鄉醫多方調理未愈余
診六脈虛弦帶數舌紅苔少諦審諸症偏在陰分初投滋腎肅肺潛肝安神諸
品已見小效續擬丸方久服調理如生地山藥人乳拌茯苓烏劍骨丹皮棗仁
麥冬淮麥五味牡蠣白芍首烏料豆金鈴杞子川續斷阿膠溶化爲丸蓋宗玉
橫養肝陰舒肝氣之法服後諸恙大減無須藥爐大爲稱便任在鄉逢人說項
頗有指引蓋調理與治外感迥別一則宜籌長服之方冀收全功藥忌間斷一
則外感廓清即可勿藥也

程某徽籍木業乙卯冬來診口渴不止煩懊心中空虛帶下如泔按其脈弦數
見其舌無苔光剝以爲陰液大耗之徵當有造因再三詢問方述向有瘰癧某
醫錄予芋苳丸一方以生者數斤爲丸服數月後胸中如刮口渴夜甚且帶濁
異常之冬因思生芋辛辣麻口亦傷氣液是必腸胃津液一齊剝蝕以致由孔
竅而泄如膏如泔其消耗之酷可知急令停服芋苳丸開方金石斛大麥冬元

參生地玉竹知母竹茹花粉白芍梨肉蘆根令服三帖口渴漸瘳苔卽重生推帶濁猶未全已詢其瘳瘳毫未消去本病未驅旁症蠶起抑亦援方者之不及料耳

胡和尙慧山要貨業其妻於乙卯患腫脹之症孫君治以攻削下水十餘帖不減九月更延余診已胸高氣逆溲秘不通胸中撐脹已搓至皮破飲食不納以參湯延挨矣余診脈匿如無苔白舌質略紫高枕而臥猶然氣急如純由水氣小溲不通頃刻而靡因詢經事則停已數月因曰懷娠而腫此症甚多渠家以多年未孕不以爲然余謂卽有胎而水氣浸漬亦萬不能生存擬小陷胸湯金鈴子散加川朴腹皮茯苓澤瀉車前及沉香琥珀末一劑腹中攻動溲通瘀行遂下死胎其胞已糜腐不堪下後神氣復振卽能飲食腫脹循退是故腫而水盛胎陰之生氣竭絕追上犯而氣衝旦夕有性命之虞不急下之未可倖生及喘而云亡人亦以爲水氣應有之變端不意有此一着也

全緩臣之女乙卯九月患腹大臍不斂之症已服水氣藥不應來延余診脈濡
苔白詢悉自去秋多食滯氣物遂漸而來乃疝積也卽疏使君川棟腹皮查炭
蕭豆茯苓砂仁雞內金薏米范志樛萊龍子麥芽等味腹漸軟脹漸鬆數劑而
暢續擬白朮茯苓藟豆史君查肉雞內金芡實黃精棗核櫛健脾消積之品爲
丸令其常服節食生冷糕糲之類脹卽全消

般仲容表戚興仁棧年已花甲甲寅秋來診時述知中年嗜飲痔血常來及戒
飲血漸少腰痠而痛痰少而咳氣喘動作更甚其脈弦而虛軟苔薄而白此腎
虛不納病雖在上宜治其下擬丸方如大熟地山萸肉茯苓丹皮澤瀉山藥牛
膝杞子五味子杜仲沉香龍骨血餘灰紫衣胡桃吉林參連尾蛤蚧研末以山
藥粉糊丸擬就贈之迨乙卯冬月來診猶是虛喘之症余追思前方詢其服否
漫應之曰前方實未照製自思非虛症耳余曉之曰便血雖由乎痔血已大傷
衝氣不納卽爲虛喘矧腰痠足軟亦屬腎虛人年六十其氣已衰合之色脈無

一實象渠謾前方已失囑爲擬方余不知此時信否照舊方增損錄去渠請教某君改丸爲膏服之小駭贈下禮物以徵折服之忱抑知靈胎治虛喘有以參切小塊以湯過下者今以補攝之品爲丸納氣於下焦大有深意非膏滋一吞卽補其上或阻痰濁之所可同日而語也

榮某氏辛亥春初亥刻咳劇痰味則鹹詢知此症發於立春之日口渴氣短欲嘔顴赤少腹震痛脈弦舌紅因思立春木氣上僭消瘦易怒木火之質衝氣上升化火灼津宜與鎮攝決明青鉛紫石英甜杏仁旋覆龜板牛膝炭之類知醫者過來視方頗訝此非治咳藥而以爲詢余詳解此旨逕投之去竟以潛攝之品三劑而定迨夏仲腹中氣滯少腹痛左旁有形經來甚少如無體灼內熱審係血虛氣鬱虛而有瘀擬方當歸白芍丹參遠志鱉甲香附生地香櫟乳香功勞子預知子研細每服三錢空心服至半月腹痛大定經來如墨且多轟熱陡退胃口大馨然頭眩目花帶下虛象大著轉服四物六味杜仲龜板以養肝腎

卽覺有孕此可證病因虛者必先顧誤若虛而因悲鬱氣滯而血瘀少以至體
灼轟熱卽宜通宣亦一效也

袁揆仁表戚之室乙卯四月患桑毒咳嗽桑毒者係無錫鄉間一種特別症因
春蠶汎中桑地澆肥日曬雨淋其土淫熱採桑者赤足踐踏初則足腫生瘡不
數日足腫減卽咳嗽喉頸粗痰吐腥靱是桑地熱毒濕火上迫於肺卽蹠桑皮
地骨枯黃芩黑梔茯苓冬瓜子薏苡杏仁枳實瓜瓠殼鈴防已蘆根另用川貝
銀花月石雄精淨青黛研細化服咽膩咳嗽頸脹大減覆診原方加減漸卽告
痊此症失治後卽延疔黃浮腫無力或轉泄瀉淹篤不治

周梅坡向在某銀行經理其子某甲寅二月來延余診乃暈眩之症前手熄風
鎮肝方已數紙最後用大定風珠意猶不能離枕余因診脈弦中帶滑盛在右
部苔中膩白兼有惡心是明有痰濁留膈而梅坡係有力之家已投育陰病久
不便獨異初用抽去滋補轉用熄風復入化痰之品復診病情相安竟用清氣

化痰丸主家亦知醫有膏所適從之概緣疏滋補者乃七十餘之老者彼此相較離題太遠嗣卽停藥但以食療不一月而起牀果然挾痰之症痰能作眩豈欺人哉噫在雲遮霧掩之際多人不易察出也

吳楚卿前清諸生甲寅八月念四來診足腫膝灣僵硬黃行步重墜烘灼係從寒熱退後而發乃脾虛濕熱下注詢知其戚某君疑是中氣下陷已疏補中益氣湯矣余診脈濡數舌白察其面色略有油色決其濕熱擬知母黃柏草薢防己生薏仁五加皮茵陳海桐皮絲瓜絡油松節白茄根赤猪苓澤瀉二妙丸等服藥數劑足腫退無力加健步生力之品交冬濕熱潛消勿藥而瘳

于鳳齋南蘇秦于巷乙卯葭月來診云夏秋以來腹滿不舒茲則脘分窒阻作痛懊懣寒熱沃吐酸水脈沉細苔薄白此中陽轉旋失常以致水飲停阻擬半夏茯苓蘇梗川朴橘皮薏仁腹皮只殼薤白瓜萹薑汁另以玉樞丹雞內金丁香寇仁研末冲服二帖水從下行得便瀉而嘔水脘痛均減水飲有去路惟寒

熱不退溲猶赤少擬效方增損以期速效半夏赤猪苓薏仁川朴橘皮澤瀉瓜
萋薤白腹皮蘇梗光杏仁車前加神香散四分冲服三診各恙減而未止不時
寒熱詢悉油膩麪滯猶未節食飲濁爲油膩滋助宜堅壁清野以斬底澈半夏
瓜萋皮杏仁薏仁茯苓陳皮薤仁川朴通草滑石蘇梗腹皮萊菔子等數帖熱
漸止各恙循退亦卽停服至丙辰仲春不時腹滿脉猶沉細體肥則濕阻氣滯
如潛滋暗長仍恐釀爲水飲擬外臺茯苓飲及繆氏資生加減雲苓益智遠志
木香於朮枳實陳皮瓜萋皮蘇嚙子棗核檳薏苡甜杏廣藿香澤瀉查肉芡實
麥芽雞內金扁豆半夏用霞天糲煮糊爲丸每日餐後服一二錢以助消化而
導水濕下行以冀不成蓄飲此因其妻產後鼓脹在此治愈心悅誠服而來者
痰飲之症起於中陽不土健運因而水停爲痰爲飲不可不知

榮厚卿河埭口其令萱爲表戚王子五月感氣挾濕阻室不通凜熱不揚脘悶
腹痛嘔吐煩懊坐臥不寧使來延診脉濡沉弦苔白自虞不起謂能已此恙當

許贈輿蓋以望七高年痛劇有此謬詐也余擬梔鼓薤以鬱金藿香茯苓陳皮
川朴薏仁烏藥香附吳萸湯炒川連宋半夏另玉樞丹菖蒲沉香蘇嚼子研服
另屬用按摩針法勢稍定來城覆診略有轉機原方增損痛嘔均退白微黃
面帶黃滯溲混氣機雖展濕熱阻而未清再疏豆卷藿香連翹澤瀉西茵陳黑
梔薤艾赤猪苓薏仁鬱金滑石淡芩蘆根不數劑目黃面滯餘蘊之邪均退

丁鶴皋之女嫁於榮姓者外甥女十齡許乙卯冬寒熱之後下體厥冷痛痺不
能行動無心手觸痛甚則啼起居需人二便自遺脉沉細苔白是寒氣內襲血
脉痺而不通初疏桂枝尖當歸鬚元胡橋絡新絳乳香松節白茄根益智仁草
薺續斷獨活葱鬚服數帖腿足之痛由密轉疏由重轉輕大便已調小便尙遺
足仍痺而不能行是兼痿也卽用榮養絡隧益腎固氣之藥如桑螵蛸巴戟肉
補骨脂歸身杜仲杞子狗脊續斷黃芪防風牛膝首烏兔絲等另用健步虎潛
圓兼自服藥酒迨丙辰春有丁姓婦亦患著痺來此卽榮姓所屬云能行走自

如矣

沈姥年六十餘癸丑正月寒熱咳嗽脘悶便秘某君照風邪外感治之不減脈滑數苔白暈黃腹中按之滿痛決爲痰氣食交阻擬蘇梗厚朴半夏茯苓瓜蒌枳實竹茹陳皮浙貝杏仁豆豉查炭萊菔煎湯代水服後痰食下行遂得暢便咳嗽脘悶漸退寒熱自止

福生轎役佚其姓蓉湖莊癸丑三月其子舞勺之年患溫邪挾積綿延至二旬外熱戀渴飲咳嗽痰多脈洪舌紅中有薄白察前手所開方由銀翹散而白虎湯均已用過諦思其故風爲陽邪辛涼及甘寒已進曷以熱仍不退因按其腹纔上手卽呼痛乃知積橫於中氣不舒展溫邪薰蒸津化爲痰不祛其積邪不得澈因疏連翹黑梔杏仁象貝淡芩薄荷竹葉風化硝枳實竹茹瓜蒌仁另鮮梨汁地栗汁蘿蔔汁等溫服便解漸通熱漸退涼不數帖而瘳

丁甲河埭口向在申江旅館業乙卯四月患脚氣浮腫旋至行步乏力麻木而

冷回籍就診脈細濡苔白觀其面色黯浮是寒濕之氣深中三陰卽擬橘皮蘇
葉吳萸木瓜赤猪苓生薏仁獨活防已油松節白茄根栝榔橘葉二妙丸外用
杉木鏤花蒼朮晚蠶沙艾葉葱鬚生姜煎沸薰兩足二劑大便溏行足汗淫淫
冷麻均退腫氣漸消續授蒼朮黃柏防已葶薢苈仁松節白茄根續斷全當歸
赤芍秦芫千年健六神耬煮糊丸令其常服以防反復詎意僅服月餘卽停六
月食雷齋尙在勿動月杪開葷鱉蝦黃魚恣食無忌足腫陡發更加氣逆心躍
嘔惡勢有衝心之險卽卸事復回脈象數急面色黯滯細察證象偏在寒濕卽
疏蒼朮川朴橘皮葉旋覆元胡金鈴半夏蘇葉子吳萸枳殼獨活伸筋草五加
皮生姜另沉香黑丑花板研末連服數劑得瀉溏薄氣逆漸下惡心心躍均定
因加減前擬丸方令其續服節食發病諸品以靳勿再波折緣瀘壩地卑土濕
因脚氣而死者不知凡幾不可不慎也

朱左西鄉業蠶乙卯五月桑毒咳嗽引咽喉痛氣腥痰多而韌脈滑數苔白先

由足腫有瘡驟愈而延於華蓋卽䟽白僵蚕蟬衣瓜瓣薏苡光杏仁浙貝鼠粘
子射干蘆根鬱金桑皮黑梔知母另開製雄精月石銀花川貝研末臨卧冲服
三帖咳嗽咽痛輕減覆診原方出入幸卽漸痊另有面黃力乏錫謚名桑黃者
更難圖痊

何芝庭西里堆棧業乙卯七月其女患伏暑挾積身熱起伏而不甚渴腕悶腹
痛便阻脉濡數苔白唇絳初䟽梔豉薏苡滑石通草半夏青蒿瓜萋枳實查炭
鬱金竹茹赤猪苓野藟薇花保和丸服後熱勢不熾加減原方屬覓善按摩者
推其腕腹之積得便之後脈靖身涼

紀右南鄉塘頭乙卯秋令患神經病妄言不休夜不能寐歷就諸醫診視不瘥
八月來診脉弦數舌紅苔黃罩灰顴赤唇朱是肝陽伏熱挾痰擾亂心神並以
前手已進溫補暨自食桂元紅棗以致伏熱在內而不宣洩卽䟽桑葉丹皮黑
梔黃芩川連竹瀝半夏橘白絡茯苓神枳菖蒲膽星瓜萋另硃砂安神

九臥前服三劑妄言大減已能酣寐覆診伏熱外洩微咳痰多轉爲寒熱卽用
豆卷青蒿竹茹薏仁半夏鬱金枳實瓜蘖黑梔滑石杏仁通草象貝另雄精膏
蒲玉樞丹末另服寒熱之退甚遲因蘊伏之熱痰不易底澈嗣於再診時減去
雄精以下三味加半只丸三錢守前法增損漸告肅清

張鳳岐蘇州張祥豐王子八月患伏暑寒熱起伏脈數苔黃以宣泄伏邪梔鼓
滑石通草鬱金青蒿黃芩竹茹薏苡半夏連皮檳蘆根野薺薇花出入爲方數
劑而退旣而其妻又發寒熱伏則凜熱不楚起則懊煩昏譫頭疼腫塊如貫珠
是伏暑熱重兼挾風邪方用連翹山梔青蒿滑石木通竹茹川連蘆根燈心殭
蚕桑葉滁菊荷葉另太乙丹鬱金竹黃等研末熱昏時冲服藉以展樞滌痰初
劑熱勢留戀覆診略爲增損不數劑熱減頭疼懊煩均退三舍一路宣別膜原
伏邪退清而癒

陸老揚名鄉貧戶因子違逆氣鬱不舒甲寅冬患單腹脹來診時按腹堅滿略

有筋綻脈弦舌白詢得病由卽曉之曰氣鬱成鼓非曠懷不爲功否則不治疏
方清木火之入絡理氣機之鬱滯金鈴元胡沉香雞內金白芍香附烏藥橘絡
新絳鬱金蘇梗丹皮路路通等出入爲方服數帖連得天氣腹滿漸爽乙卯春
來診已瘳什之入九囑其寬胸勿悶毋任氣結至秋令忽來診詢以前次不善
後之意云脹旣全消自謂速愈後復氣惱以致腹脹已數旬自赧不來調理審
其腹臍突數寸已爲忌欸決辭不治後果不起噫已愈數月不就範圍旣失於
善後七情之傷生死反掌耳

袁舅向有心疾中年在宜興辦罌貨能食糯糲至念箇迨六旬猶懷故智丙辰
春向火受熱卽行卸衣兼食糲八枚益以中晚餐遂病寒熱食結於胸懊悶呻
吟咳嗽痰多脈滑數舌紅苔薄卽疏梔鼓杏仁鬱金半夏象貝前胡牛蒡枳實
查炭瓜蒌蘇葉陳皮另以繆製半夏麩一錢萊菔汁調咳痰漸爽轉加枳實導
滯丸得下食滯其熱尋已同時一孩五齡亦因多食糯糲倏又寒熱惡寒向暖

臍腹作痛肢厥不暄脈匿不起舌白初疏葱豉湯無汗想春寒雖重未必純由外感廉得其因卽用建糶穀麥芽雞內金查炭蘇梗鬱金枳實豆卷萊菔汁外用皮硝梔仁萊菔子飛羅麵雞蛋白打塗敷臍布紮連得大解手足之寒方暖汗亦自出可見既有裏症食積橫阻氣脈不通脈滯肢寒有如此者表之不汗爲裏氣不宜也嗣後便溏兼旬以健運取效

鄒士生之婦西園街幼有風疹不時常發前寓滬就診以和營泄風之劑遲至半年方作近歲不服藥每月必發腹痛寒熱或旬餘不瘳丙辰春因來診述用菜菔所製束粉腹痛略減頭痛惡風脈數右盛風邪襲於血分樞機窒而不通疏蒼耳子楓果牛蒡鬱金連翹紫葳衣銀花雞蘇散白僵蚕蟬衣防風歸鬚紅花豆卷另服玉樞丹少許二劑大減覆診增損原方再劑熱退疹化余謂營氣窒痺風邪易襲嫠婦肝鬱必須丸藥久服以緩調之爲定全當歸赤白芍柴胡黃芩銀花菖蒲丹皮山梔生地川芎菴豆衣蒺藜羌獨活殭蚕蟬衣乳香六神

細糊丸每日飯後服二三錢許其可以不甚舉發即發亦可以減少時間即平耳

張彥卿令政素體肥有喉痛丙辰二月患咽癢頻咳痰多凜寒不揚脈滑數舌
搗黃厚看前手之方泥定春寒且寒水司天逕用麻黃桂枝之劑馴至高枕不
眠痰靱可扯長至尺許不知春令風氣已溫外寒束伏鬱於肺部辛溫開泄熬
液成痰愈吐愈多卽用堯鈴射干冬瓜子杏仁蘆根象貝瓜蒌桑皮枇杷葉煎
粘子蘿蔔汁半貝丸覆診喘咳大定已能起坐惟苔色罩灰減半貝丸用雪羹
湯代水煎藥另用川貝月石爲末同甜杏仁霜沖服以泄熱痰漸以向瘡
孫氏女青山巒乙卯四月寒熱夜甚神識不清譫語恚怒脈數而滯舌紅苔黃
詢知少腹作痛適值經行甚少溫邪內蘊有熱入血室之徵疏方豆卷青蒿荆
芥蘇梗澤蘭丹參木通山梔澤瀉腹皮益母查炭鬱金覆診熱仍暮熾經行仍
少神情依然夜則譫語苔黃舌苦加乾漆炒川連元胡索另用血珀辰砂鬱金

研末熱昏時沖服熱輕神清後雖略有起伏不浹旬而安此方川連用乾漆炒
張路玉常用之雷少逸云熱入血室其左脈必盛按如有脈盛涎潮喘急昏糊
有先化其痰後治其血結者與經適斷而邪乃乘虛以及熱邪傳營迫血妄行
致經未當期而至者二證治法迥異

廖重九湘人在錫管帶炮艇卸職後居停吳君子明家丙辰五月初旬友家喪
孩感受穢濁患乾霍亂按摩外治已減乃外宿三日房事之後裏熱不揚洩黃
便薄居停因其夾陰十二進益智仁湯加味又進上安桂末煩懊氣逆沃吐
不存陳恭良來邀診詢知向有氣鬱感受穢濁濕熱蒸動辛溫方進呻吟煩悶
氣升口燥形寒裏熱脈大而數苦白而乾詢伊陽不縮而足不冷邪尚未至三
陰未便過事辛溫余擬執中之法用廣藿香薷苳金益元散白方通杜竹茹
赤白苓新會白佛手黑梔金鈴木香燈草陳君以房後傷寒爲慮余謂必欲點
綴還如外治用麝香鴿子剖竈臍間之法後未用吳君面屬再用安桂謂脈大

陽不納半月之症不可至陽縮足冷敗象已呈方用溫經余唯唯憶馬氏醫悟云陰精新泄虛陽搖動邪熱外感兩火交爍真陰有垂絕之慮再加辛溫是速之枯槁惜賢居停未之思也服藥後煩懊氣逆定澁較多便澹減胸腕不暢腸鳴漉漉裏熱未楚不時凜寒脈大象雖收數象仍著苔白轉措厚是蘊濕留戀氣機不暢覆用鬱金川朴黑梔薏苡枳實竹茹益元散白方通茯苓烏藥金鈴子省頭草車前子另藿香正氣丸服後腕悶腸鳴減間日似瘧仍用宣化濕熱之法而安

薛某天和藥號丙辰三月感受風溫鼻衄舌絳無苔他人早進白虎鮮地熱減咳嗽咽瘖音啞脈右數而舌紅減仍無胎此先天陰虧故溫邪由氣襲營甚速旬餘之外氣分之邪猶留肺經擬冬瓜子杏仁鬱金桔梗鹿粘象貝黑梔竹茹淨連翹茅根葦葶艾菖蒲二劑欬減音晷亮口渴澀紅溫邪未清復用兜鈴竹茹南沙參山梔仁冬瓜子杏仁連翹鼠粘子馬勃鬱金銀花桔黃芩茅蘆根

另開蟬衣僵蠶川貝母三味研末鮮薄荷雪梨取汁臨卧調服一劑而音又亮
咳循止熱清溲暢而瘳

馮戚蘇柴丙辰正月因號中老夥犯竊爲數不貲遂致胸懷忿怒越數日頭痛
凜寒身熱咳嗽腹痛不舒按脈沉濡不振審悉厥氣不疏因而邪積交阻卽開
蘇梗鬱金桑葉前胡半夏青陳皮浙貝大腹皮烏藥枳殼木香保和丸積通氣
行寒熱漸止脈訣所謂下手脈沉便知是氣是實驗也

萱庭向有肝風眩暈始於中年血崩損營滋潛育濡直至花甲時眩暈仍作憶
辛亥清和下旬午餐後談及外戚某事忿怒氣火上衝昏眩欲嘔倒卧椅中四
肢冷麻遍身自汗粘膩濕透衣衫面色頓變目不見物耳不聞聲肌體強直指
甲青白是厥氣兼肝陽上僭嚴君欲投痧藥止之顧道源推拿亦云氣閉針中
腕及合谷穴神識未清繼於臍下氣海一針神省能言肢轉溫膚軟汗止內服
旋覆川貝母半夏鬱金赭石牡蠣珍珠母棗仁天麻白芍茯苓磁石等一劑未

受重購復煎以進未嘔棄二煎復撮三劑服後稍能起坐眩暈未定晚仍少寐
翌晨脈之弦大未斂苔白乾早晨投平肝降胃運食如天麻石決明旋赭香櫟
香附連皮苓橘葉遠志雞內金穀芽晚進滋腎潛肝安神如熟地五味杞子天
麻磁石龜甲鱉甲牡蠣龍齒遠志珍珠母棗仁白芍服後眩大定得寐續擬善
後方熟地五味山萸肉菴蓉龜甲茯苓神柏子仁杞子白芍牡蠣龍齒首烏阿
膠料豆等數劑而康

倪震泰室肝氣侮脾乘胃自覺有形甚則氣閉厥逆投丹皮蘇梗川棟黑梔蘇
嚙子木蝴蝶鬱金香附烏藥雞內金范志糝等氣通撐脹止胃口略旺繼投丸
方緩調茴香湯炒歸身杭白芍金鈴子乳香湯炒橘核菴蓉川椒湯炒烏梅酥
炙鱉甲陳淮麥合歡皮香櫟皮四製香附醋炒丹參沉香糊丸

王雲卿米業其小女年十八歲自甲寅七月起嘔吐涎水噯氣連屬納飯尙安
飲粥則吐屢就城北王君及南城孫子診各數月未愈至乙卯冬月各症反盛

腹滿咳逆經阻至四月有半間有內熱症已甚重其戚吳楚卿君指令就診察
前手之方偏重溫通如吳萸丁香蔻仁葷撥等屢投之矣蓋擬爲胃寒也然舌
紅光剝無苔唇乾起裂胃陰已傷人亦消瘦異常診脈弦數詢有氣鬱乃靈胎
所謂蓄飲症惟已不能溫轉用王氏孟英宣氣滌飲法金沸草蘇梗山梔茯苓
薏仁鬱金橘葉絡蘇嚙子淮小麥雞內金等脈之弦者略斂惟嘔水噯噫猶然
喜淡惡鹹胃虛飲停病機逗露且帶濁頗多亦中虛濕濁下溜至致病之原由
甲寅夏飲已壞之西瓜汁得病云二朮連皮苓澤瀉新會皮益智草薺生苡仁
枳實木雞內金老蘇梗用伏龍肝煎湯代水連服四劑溏瀉疊作水氣下行腹
中氣暢嘔水噯噫頓減惟脈弦剝上中宜通宣陰液已消耗爲難治耳生於
朮雲茯苓宋半夏鹽水炒陳皮金沸草枳實末川石斛澤瀉車前子范志糲生
薏仁伏龍肝嘔水已減腹滿腸鳴溲黃經已通行尙不甚多再師孟英法效方
圖治金沸草茯苓半夏大腹皮枳實澤瀉當歸尾撫芎桃仁紅花澤蘭五靈脂

四製香附并用雞內金血珀沒藥三味研末服經已暢去上三味及桃仁紅花
澤蘭五靈脂加白白朮益智仁烏藥臍月二日噯噫嘔水大退頸項素有痰癥
溲色猶黃通絡滌飲兼養胃陰金沸草橘白絡製蠶蠶茯苓薏仁澤瀉石斛冬
朮益智仁竹茹枳實半夏袖批杷葉服上方嘔水已止噯噫氣逆微作苔之剝
者略佈腹雖已舒便猶艱澁養胃降逆複入潤養如川石斛麥冬半夏茯苓旋
覆赭石冬朮枳實竹茹麻仁蕁皮枇杷葉正在日見起色乃因大動忿怒氣機
一閉小溲不行嘔水噯氣復劇左脉驟弦苔之佈者復剝足見樞機一窒火浮
水停求愈綦難變壞極易自以曠懷爲第一要義川石斛麥冬菖蒲鬱金茯苓
青鹽半夏山梔仁炒澤瀉橘葉絡金鈴子枳實末丹皮益智用車前子壹兩伏
龍肝二兩煎湯代水氣機通降噯噫循減水尙上沃脉數苔剝體虛不經攻導
復用石斛紫苑茯苓枳實末冬朮半夏澤瀉大腹皮橘皮蘇梗草薺雞內金伏
龍肝至丙辰春月七日來診沃水噯氣溲少便阻猥以年關輟藥液虧水停畧

參導水下泄之法以漸捷應金石斛炒鬆麥冬紫苑野於朮茯苓黃精扁豆衣
澤瀉枳實末益智新會白青鹽半夏另生穀芽車前子二味重用煎代十棗丸
二分谷芽湯下水由下瀉甚多噁噫嘔水頓止搗十棗丸僅服其半已覺甚憊
卽囑去十棗丸原方服十帖苔剝佈白卽服丸方至今五月停飲已愈丸方附
後停飲年餘米飲卽吐噁噫日夜千餘聲氣逆欲咳它人已投溫通舌苔剝而
唇燥裂經停至四月餘診脈弦數詢知症由傷飲疊進通胃滌飲水由便泄經
亦續行惟氣陰消耗樞機易阻不無反復萬勿忿怒擬上下分治通補並用以
善其後金石斛麥冬於朮豬茯苓甜杏仁廣皮黨參枳實益智澤瀉金沸草萹
解雞內金枇杷葉用半夏糲糊丸服於飯後助脾胃之消導引水飲之逆流又
用四物加杞子菴蓉丹皮金鈴芫蔚子遠志香附等藕粉或山藥粉丸空心服
與前丸間服少許以養血潛肝潤腸而平衝氣之上逆緣病經年餘面無血色
氣陰大虧久久調理當可復原

慈萱向有頭風乙卯七月伏熱之後每餐飲酒釀露先則左目胞腫粘睥鼻灼
凜寒瘦赤用薄荷荆芥蟬衣青箱殼精桑葉丹皮黑梔知母桑皮蘆根黃連上
清丸而勢在方張白睛甚紅黑睛漸青墨如翳是熱戀血淤加夜明砂沒藥夏
枯草鬱金四味研末每服三五錢中秋猶模糊見人十六外罩之翳更滿開撥
雲散加減桑葉丹皮殼精蟬衣木賊歸尾赤芍梔子仁知母桑皮蘆根兼服當
歸龍薈丸以便艱不潤湯姓專科謂熱陷睛有損恐少光藥用雅連青蒿鬱金
車前知母竺黃決明鈎勾薄荷蒺藜嫗蚕更衣丸溫儒醫指服龍胆瀉肝加丹
皮羚羊生軍故人呂子珊自瀉擬方肺肝兩經熱極兼有時熱蔓荆子青防風
鮮石斛赤芍條芩夏枯草花粉鮮生地蟬衣赤苓密蒙花丹皮等適背寒頭痛
頗合病機卽服之轉用荆芥羌活青防風赤芍沙苑黑梔連翹蜜蒙花條芩白
芍杜全括蔓元參服之凜寒退而目翳作痛未減李女醫決爲難明之證余見
萱庭坐臥不寧恨非專科勤探古籍宗消障救睛散法如生石蟹紫貝草決明

元精石丹皮蒺藜木賊甘菊茺蔚夏枯草山梔仁另煎羚羊沖服目紅陡退已
有光微見人物時有頭空眉痛畏光視物怯力菊秋朔晨進人乳一盞擬方料
豆粕子蕤仁生地丹參白芍丹皮決明紫貝甘菊穀精鮮首烏天冬杞子左目
之紅大退搯痕在黑睛邊者旋彌越數日轉而右額又痛右目白輪生珠赤脉
佈滿繼思左目醫障人謂難明者多劑復明右目復起不甘爲病所魔卽踈蔓
荆子鈎勾甘菊決明蒺藜白芍丹參蕤仁夏枯草眉骨痛循滅右目赤亦稀十
六交霜降右目又紅巔頂之熱復起眉痛攻耳玉粒遮睛翳滿不見物先防熱
注血淤翳損睛也用蟬衣沒藥香附夏枯草研末先服復踈桑葉丹皮川石斛
白芍鮮地蔓荆子鈎勾天麻決明蒺藜石蟹等另磨羚羊角汁服巔頂之熱陡
退頭痛偏於夜甚連宵失眠脉大不斂血虛邪害空竅火清風陽未潛生地柏
子蕤仁白芍牡蠣珍珠母阿膠首烏杞子滁菊夜合花服之得眠頭痛大定目
紅大退頸痠亦鬆可坐多時翳已退有一星未祛到瀕往呂醫處配退光眼藥

疏方大同二目僥倖復明二月之間如坐愁城光明如舊此大快也同年榮少梅之室三

十餘亦偏頭風但知點眼不事消痰驅弱一目竟瞽眼匪亦癩

後無錫縣警察第三分所副巡官李念庭君介來症則臍以下痛便解不

按摩鍼治均不應脈沉細如伏苔黃而指此乾霍亂由伏熱挾酒濕內襲厥陰

而腸有燥屎按其臍腹板硬痛甚冷汗有閉厥之勢疏川朴蘇梗鬱金金鈴玄

胡兩頭尖烏藥青皮菴蓉連皮檳澤瀉路路通瓜萸仁另玉樞丹五分黑丑壹

錢保赤丹壹分研服外用葱鹽麩皮萊菔子香附小茴等炒熱隔單衣熨之服

後瀉解宿積痛定脈起左弦右數苔化腹軟原方去未藥加正氣丸善後而愈

管... 熱旬餘脫腹痛拒按熱以暮盛而

便閉脈濡不甚數苔薄白詢因忍饑於晨起九時趁船往蕩口下午四時方得

大嚼而病是感邪輕而脾傷積滯不下即疏鬱金川朴廣藿黑梔陳皮枳殼薏

仁杏仁大腹皮連皮枳瓜萸滑石另溫化丸三錢錫汪醫定丸乾薑木香枳實

六糲香附吳萸烏藥砂仁青皮川朴廣皮桂枝大黃重薑汁拌晒水泛丸余之
用溫下者因其人體弱傷饑涼攻傷脾而又不得不下也外用萊菔子橘皮桃
仁葱薑鹽麩皮炒熟布包熨臍腹積漸下府寒熱陡退

此身熱並非
兼伏熱者

王金榮子河埭口王巷甲寅二月延診身熱脈數凜寒舌紅無汗口渴熱甚略
有妄讖審知鄉童大頑冬夜赤身下牀溲溺是內感寒邪者復感風而發因開
葱豉桑葉荆芥蘇葉牛蒡杏仁欝金前胡連翹淡竹葉等暢汗熱滅神清調理
漸愈設泥脈數舌紅全與辛涼寒邪不達未易卽解也

周左慧山石工甲寅九月病流火兩足紅腫或傳用水浸海螵皮敷貼足脛冷
過濕火內閉轉筋而痛脹墜不能行走脈濡數苔白卽疏薏米茵陳防已茯苓
苓澤瀉歸尾海桐皮油松節白茄根絲瓜絡蚕砂豕乳香路路通外用蚕沙木
瓜樟腦紅花煮酒搯之一二次痛定脹消

徐裕經筱舟安徽懷甯前無錫丁知事之戚爲司法科錄事素嗜飲汾酒花雕

醉而猶飲丙辰孟秋曾失履溺河桂秋十三患熱症迨菊秋初二署員王君蘭
遠來函云徐文壯熱已十九日中醫鄧君中西醫王君參治未愈託故推辭同
事不忍坐視曾擬甘涼輕清之劑略見轉機翌日有大通之行懇午後降署一
診余卽應召往署察其前案王君初診身熱肢痛瘦短赤脈左弦急唇紅舌中
白邊紅爲伏暑挾酒濕熱素盛豆卷山梔半夏杏仁茵陳川柏苔瀉花粉藿香
雞距子但徐名雖服藥仍飲酒也十八鄧公診秋涼引動伏暑胸悶舌膩身熱
得汗不解豆卷山梔青蒿半夏連翹鬱金腹皮二苓藿滑通草竹茹復加玉樞
丹三復去玉樞加青陳皮蔻仁四復症兼乾惡朝輕暮重防其化燥動風前方
去蔻仁加菖蒲辟瘟丹五復用第三方出入六復鄧公海君同議疏邪和解分
化濕濁梔鼓參黃連瀉心法加味七復念柒因增欬嗽鄧王公議加肅肺化痰
隨卽同辭念捌王君不忍坐視復診其脈弦見代口燥夜寐不安熱邪化燥有
傷陰津轉擬甘涼生津退熱如沙參鮮斛象貝金沸草薏仁苓神銀花佛手生

草蘿蔔汁晦日復加雪梨等膩弦轉緩苔化轉紅此伏邪濕輕熱重傷津煉痰
之時期華按熱經十九日咳嗽痰黏口燥寐不安脈左弦右數唇焦舌尖紅苔
薄黃爲伏邪挾痰停阻矧當燥合積飲蘊熱邪易化燥卽疏瓜瓣沙參竹茹連
翹山梔青蒿杏仁花粉知母銀花茅蘆根硃砂拌木通安神丸是日徐猶食新
米卽止之當晚徐遷署外忽然轉變煩躁欲奔得眠略安翌日復診述足厥已
久口渴燥舌不能掉轉而劇飲咳痰色黃脈弦急少神唇焦舌紅苔轉灰黑是
伏熱化燥兼挾痰積勢防昏糊當以症情遷變轉用清涼或多阻抑爲辭其母
泥首誓不怪怨爲開鮮石斛鮮沙參鮮石菖川貝杏仁竺黃竹葉辰麥冬銀花
鬱金菘豆衣益元散瓜瓣瓜蔓另用梨汁蘆根汁竹瀝熱飲初四三診足脛轉
暖咳嗽轉盛唇焦乾裂流血便閉時有矢氣脈左弦數右滑數苔灰略減而伏
熱煉津爲痰益以米食助邪糾纏不解恐如王孟英所謂伏邪如剝繭抽蕉層
出不已且酷嗜麴蘗蘊熱深沉以清熱化痰養津托邪潤下爲法鮮沙參石斛

竹茹鬱金花粉青蒿子芩瓜萸象川貝杏仁竺黃黑梔銀花外用石蒂南法重
量燈心蘆根及枇杷葉瓜瓣煎湯代水另服更衣丸叁錢梨汁蘿蔔汁竹瀝三
味溫服五口四診晨已便解先結後溇者再黑穢如溝泥肛門轟灼下注胸口
之熱驟減暢汗至足但咳甚不爽脈弦減仍數唇揭略潤血止苔灰黑大蛻而
布新苔論病已輕鬆但伏熱挾痰益以酒熱蓄之已久尚恐轉變用竹茹沙參
黑梔青蒿杏仁花粉象川貝萸皮子芩鬱金菉豆衣石斛梨皮代水品外加蘿
蔔初六五診熱戀效劇未寐脈數苔又微灰舌尖紅唇乾是伏熱挾痰甚多清
熱肅肺兼祛韌痰竹茹兜鈴沙參枯芩黑梔桑皮瓜萸慧米瓜瓣通草鬱金青
蒿外用川貝粉黛蛤散水飛末梨汁蘿蔔汁調服初七六診蘭遠君回署同診
據服昨藥後吐韌痰盈碗咳嗽轉輕積痰外出不少而伏火復熾喉轉燥引飲
鼻乾齒黑枯口氣穢身熱有汗不解逆知早前曾經鼻衄脈弦數寸盛於尺苔
又灰黑舌質絳尖乾有刺再四思維熱與痰相倚痰實由熱邪燦津而成矧伏

熱由氣迫營深恐陰津一乾動風昏痿議用鮮石斛沙參元參心石膏鮮地竺
黃川貝竹茹瓜蒌羚羊丹皮菘豆衣銀花露梨汁重九日王君同診鼻舌齒轉
潤不枯苔灰退舌尖絳亦淡惟口氣仍穢唇仍乾咳嗽腹懣似有矢氣明明內
有積痰祇以頸旁微佈白瘡同擬減輕前制去石膏羚羊加青蒿露復用複方
豁痰清府水浸杏仁西瓜仁蔓仁打取汁煎同蜜梨汁另服屈此時期是熱將
清而痰欲達之時徐母頗具樂觀輩謂尙有波瀾痰出未出日瞪沉迷幸得沃
吐頑痰小溲下行神識方省症將匝月病體羸瘦人言搖惑王家疑懼卽延北
門王君診脈弦小苔黃伏暑痰濕瀰漫病延元虛防厥立方清熱開泄化痰利
濕與鄧公廿六方相近川連半夏橘皮鬱金竹茹豆卷滑石通草二苓荷花代
代花枇杷葉反汗冷肢厥形象更幻王君復診云內閉外脫爲期不遠勉擬生
脈散出入臺參五味子以及瀟珠琥珀等徐母以旣如斯垂危藥價又太昂未
與購服詎子夜痰忽吐出人事省肢亦溫不藥而瘳按此如新學家將謂藏府

自有愈病之能力宗教家則謂天主降佑蘭君書來道其所以余謂痰之一字屢次顧及中間下而復吐勢大化小而熱煎津液爲痰韞厚如膠既有熱徵迫得以清津涼氣營而化熱痰潛齋法也溫燥避清藏熱陡澈胃府膠痰逆而上吐仍從一涌而出猶水足而膠淺之舟上浮將出未出氣機暫窒肢厥者九竅不和皆屬胃病尙非脫症故不藥忽已至津之所以益不合枯者在清熱而非燥濕明眼人自能辨之若作脫證補斂一凝痰厥而危必集矢於清藥因吾邑伏暑泰半作濕看丙辰在泉爲濕淫以清爲遏視爲禁藥也

陳小棣工業馮巷丙辰荷夏初柔飽食使丙午夜腹中劇痛微瀉擬乾霍亂也至城延顧姓下鄉鍼治未應翌日來延診脈弦數舌紅苔白凜寒不揚痛以少腹爲甚硬拒按小溲短赤甚痛詢悉果有房事乃張謫傷寒緒論之夾陰症也今夏夜寒寒邪外束暑熱乘下虛而入厥陰本屬難治擬香豉黑梔鬱金滑石吳萸拌川連金鈴萊菔子查炭玄胡茴香湯炒橘核甘草梢荷梗外用香附吳

英木瓜路路通粗末同麩皮鹽炒熨其少腹病家以痛處難熨又疑夾陰爲矯
說謂盛暑痧症爲差近也初九一人來延少頃又回云已請某頭陀下鄉復鍼
且亦開方承氣加減亦未審爲夾陰後劇痛更甚稍信予說初十復來延診脈
症相同神情更疲踈卧少言溲赤如血仍令外熨另用麝香入臍生剖鵠腹罨
之擬方豆卷黑梔川棟雅連兩頭尖橘核絡元胡薏米絲瓜絡陳香薷滑石荷
梗服藥罨熨並施厥痛忽移或下注畢丸上攻臂肘少腹疔痛太定似可信任
乃十一更邀汪伯君同診汪君頗善予法謂外治之法有效邪已由內托出如
內室之賊驅之堂陛但未出口歷舉溫邪夾陰用三甲暑症夾陰用附桂之例
終以溲痛色赤無可比例公議煩悶未除脈數尺小舌黃用開泄氣分而散厥
陰之結熱香豉桔梗射干雅連吳萸炒青皮兩頭尖硃滑石薄荷拌白茅根黑
梔荷梗澤瀉另血珀鬱金菖蒲研服外罨之鷹鷄已穢棄去重備一份覆罨噓
氣忽通惟暮分略痛耳十二獨診煩渴均減知昨晡有凜寒身熱得汗而減察

頸下有微痞腹微疼便溏積方下行洩赤略淡至少腹之攻痛已止尚不可手
按脈猶數大苔薄黃再清餘熱蘊積豆蔻黑梔桔梗赤豬苓澤瀉薏仁青蒿滑
石兩頭尖車前子查炭荷梗茅根靜攝而愈此症滷埠甚多惟內服溫經則不
可恃耳

惜分陰軒醫案卷二終

惜分陰軒醫案

